

ՍՈՅԻԱԼԻՍՏԱԿԱՆ ԳՅՈՒՂԱՏՆՏԵՍՈՒԹՅԱՆ ԱՌԱՋԱՎՈՐՆԵՐԻ ՓՈՐՁԸ

Ս. Ն. ՆՇԱՆՅԱՆ

ՀԿ(Բ)Պ Սպիտակի շրջկոմի քարտուղար

ՇԱՔԱՐԻ ԶԱԿՆԴԵՂԻ ԵՐԿՇԱՐՔԱՆԻ ՑԱՆՔԻ ՄԻ ՔԱՆԻ ԱՌԱՎԵԼՈՒԹՅՈՒՆՆԵՐԻ ՄԱՍԻՆ

Ուղեցույց ունենալով Հայաստանի Կ(Բ)Պ 15-րդ համագումարի որոշումը շաքարի ճակնդեղի և գյուղատնտեսական մյուս կուլտուրաների բերքատվությունն բարձրացման մասին, Սպիտակի շրջանի ճակնդեղագործները գործադրեցին այնպիսի կոնկրետ միջոցներ, որոնք կրկնապատկեցին պլանտացիաների բերքատվությունը:

Ինչպես հայտնի է, բարձր բերք ստանալու անխախտ պայմանն է բոլոր այն ագրոտեխնիկական միջոցառումների անշեղ կիրառումը, որոնք կապված են հանքային պարարտանյութերի ճիշտ օգտագործման, գյուղատնտեսական աշխատանքների մեքենայացման, ինչպես նաև հողագործության ընդհանուր կուլտուրայի բարձրացման հետ: Առավել ևս այդ միջոցառումները անհրաժեշտ են շաքարի ճակնդեղի նկատմամբ, որովհետև վերջինս ավելի պահանջկոտ է դրանց նկատմամբ:

Ունենալ լավ հող և կոնդիցիոն սերմացու, դեռ բավական չէ, կարելի է նշանակություն ունի, թե որքան ճիշտ է կատարված ցանքը և որքանով լիարժեք են հեկտարները: Մինչև վերջին ժամանակներս լիարժեք էր համարվում այն հեկտարը, որի մեջ կար ճակնդեղի 100—110 հազար արմատ: Մակայն այն բանից հետո, երբ հայտնի դարձավ Ղազարական ռեսպուբլիկայի Տալգին Կուրգանի շրջանի «Մայիսի մեկի» անվան կոլտնտեսության ճակնդեղագործ օգակավարուհի Օլգա Գոնաթենկոյի փորձը, որը հեկտարից ստացել է 1515 ցենտներ շաքարի ճակնդեղ, հեկտարի լիարժեքություն, այսինքն հեկտարի վրա աճող ճակնդեղի արմատների քանակի նկատմամբ նոր մոտեցում է պահանջվում:

Գյուղատնտեսության ֆրոնտի ամեն մի աշխատող, մասնավորապես ճակնդեղագործը, հետևություն է անում, որ առաջավորներին հասնելու համար, ճակնդեղի ռեկորդային բերք ստանալու համար պետք է լիարժեք դարձնել հեկտարները, այսինքն պլանտացիայի մեջ արմատների հեռավորությունը լինի համաչափ և հեկտարում ունենալ առավելագույն քանակի արմատ:

Կիրառելով սովետական առաջավոր ագրորիոլոգիայի նվաճումները, մեր շրջանի ճակնդեղագործները գործադրեցին հեկտարի լիարժեքության բարձրացման մի պարզ եղանակ: Դա ճակնդեղի երկշարքանի ցանքի եղանակն է: Այդ գործում մեզ օգնության եկավ Հայկական ՍՍՌ Գիտությունների ակադեմիայի Բուսերի գենետիկայի և սելեկցիայի ինստիտուտը: Այդ ինստիտուտի մի խումբ գիտական աշխատողների նախաձեռնությամբ երկշարքանի ցանքի սխեմայով 85 հեկտարի վրա փորձնա-

կան ցանք կատարվեց Սարահարթ, Արտագյուղ, Խնկոյան, Սպիտակ և Մեծ Պարնի գյուղերի կոլտնտեսություններում:

Գիտական նոր մեթոդով կատարված ցանքի էությունն այն է, որ ավելի ինտենսիվ է օգտագործվում վարելահողը, միևնույն տարածության վրա ավելի շատ բույս է տեղադրվում: Ցանքի նոր ձևի միջնաբային տարածությունը առաջին շաբաթում 45—50 սմ է, երկրորդ շաբաթում՝ 20 սմ, իսկ միջբույսային տարածությունը 18 սմ:

Միջնաբային և միջբույսային այգիսի հետափորությունը միանգամայն նպաստավոր պայմաններ է ստեղծում յուրաքանչյուր արմատի նորմալ աճման համար:

Սարահարթ գյուղի «Զկալովի» անվան կոլտնտեսության առաջավոր ճակնդեղագործների փորձը ակնառու կերպով ցույց է տալիս երկշաբանի ցանքի հսկայական առավելությունները: Ճիշտ է, այդ կոլտնտեսությունը պլանտացիաների տարածությամբ հետ է մնում Մ. Պարնի, Նալբանդ, Լուսաղբյուր գյուղերից: մյուս կողմից Սպիտակի շրջանի կոլտնտեսությունների մեջ նա ամենից սակավ բերրի հող ունեցող գյուղերից է: Սակայն, շնորհիվ հողի լավ մշակության, բերքատվությամբ առաջ է անցել շրջանի բոլոր կոլտնտեսություններից: Սարահարթի ճակնդեղագործները 43 հեկտար պլանտացիաներից պլանով նախատեսված 9 հազար ցենտներ ճակընդեղի դիմաց միևրակայան հունձնեցին 16 հազար 500 ցենտներ ճակընդեղ, այսինքն՝ ավելի շատ քան արգավանդ հող և ոռոգելի ջուր ունեցող Լուսաղբյուր գյուղը 90 հեկտարից, Ծաղկաշենը՝ 60 հեկտարից, Կաթնաջուրը՝ 70 հեկտարից և այլն:

Սարահարթյիները այդ հաջողությանը հասել են շնորհիվ այն հանգամանքի, որ ագրոկանոններին համապատասխան կատարել են հողի նախաքանքային մշակությունը:

Առաջավոր ճակնդեղագործ օգակավարուհիներ՝ Բավական Սիմոնյանը և Նվարդ Քարամյանը արդեն մի քանի տարի է ճակնդեղի բերքատվության զեղծով իրենց առաջնությունը չեն զիջում ոչ ոքի:

1950 թ. նրանք իրենց ամրացված պլանտացիաների յուրաքանչյուր հեկտարից ստացան 300 ցենտներ ճակնդեղ: Հայրենիքը ըստ արժանիության պնաստեց նրանց աշխատանքը: Ամենից առաջավոր օգակավարուհի Նվարդ Քարամյանն արժանացավ մեծ պատվի և ընտրվեց Հայկական ՍՍՌ Գերազույն Սովետի գեպուտատ:

Ոգևորված մեծ խրախուսանքով՝ Քարամյանը, նրա օգակի անդամները և մյուս մրցակից օգակների աշխատողները որոնեցին նոր ուղիներ, մեծ սիրով արմատավորեցին այն նորը, առաջավորը, որը կօգնի ճակնդեղի բերքատվության բարձրացման գործին: Նրանք հոծարությամբ գործադրեցին երկշաբանի ցանքի մեթոդը: Ամբողջ կոլտնտեսությունը երկշաբանի ցանք էր կատարել 15 հեկտար տարածության վրա:

Անվանի օգակավարուհի Ն. Քարամյանը իր օգակին ամրացված 5 հեկտար տարածությունից 3 հեկտարի ցանքը կատարել էր նոր եղանակով: Երբ շաբաթներում երևացին առաջին զույգ տերևները և սկսվեց ճակնդեղի հեռոյանքային մշակությունը, ակներև դարձավ, որ մեկ միավոր տարածության վրա ավելի շատ բույս կա, քան նրա կողքին սովորական ձևով ցանք կատարած տարածության վրա:

Սկսելով հարովկան 4—5 սանտիմետր խորությամբ առանց վնասելու մատղաշ ծիրերը, փխրեցվեց հողը, ապա առաջ մղվեցին նոսրացման և ստուգման աշխատանքները: Դրանից հետո ավելի պարզ երևաց հեկտարի լիարժեքությունը:

Ճակնդեղի բույսերը միմյանցից այնքան համաչափ հեռավորություն ունենին, որ վերացանք կատարելու քիչ անհրաժեշտություն էր զգացվում: Միայն հետագայում, երբ ստուգման ժամանակ վերջնականապես հեռացվում էին վտիտ արմատները, առաջավոր օղակավարուհիները չէին հրաժարվում սածիլման եղանակով ազատ տարածությունների վրա արմատ տնկելուց: Պետք է խոստովանել, որ անցյալ տարվա ցանքի չոր և արևոտ եղանակների պատճառով ճակնդեղի բույսերից սածիլման այդ եղանակը հարկ եղավ գործադրել մեր շրջանի շատ կոտնտեսություններում, հատկապես այն տարածությունների վրա, ուր ցանքը կատարվել էր սովորական ձևով:

Աննպաստ եղանակները չարգելեցին առաջավոր օղակավարուհիներ Քարամյունին և Սիմոնյանին յուրաքանչյուր հեկտարում ունենալ 160 հազար արմատ:

Հենց այդ հանգամանքն էլ կարևոր նախապայման հանդիսացավ, որպեսզի առաջավոր օղակավարուհիները գերազանցեն մինչ այդ իրենց հաբեան գյուղերում եղած բերքատվության նորմաները և մեկ հեկտարից նվաճեն 452 ցենտներ ճակնդեղ:

Սարահարթի և մյուս կոտնտեսությունների առաջավոր ճակնդեղագործների փորձը հաստատում է, որ լիարժեք հեկտարներ կարելի է ունենալ այն դեպքում երբ առաջին հերթին ճակնդեղի տակ գրվող հողը ևս լիարժեք է դարձված, այսինքն, երբ պարարտացված է քիմիական և տեղական պարարտանյութերով:

Իրավացի էր նույն այդ «Ձկալուլի» անվան գյուղատնտեսական արտելի անդամ՝ օղակավարուհի Ծովինար Գևորգյանը, որը իրենց ժողովում հանրագումարի բերելով իր օղակի աշխատանքները և խոսելով ճակնդեղի լիարժեք հեկտարների մասին, ասաց.

«Կար ժամանակ, որ ասում էին «սոխի սեհրակն է գլուխ բռնում»: Այժմ մենք ստիպում ենք հողին, որպեսզի նա մեզ թեկուզ խիտ ցանված ճակնդեղից խոշոր արմատներ տա»:

Ընկ. Գևորգյանը չմոռացավ կրկնել նաև ժողովատեղում իրենց ակումբի պատին փակցված մեծ գիտնական Միչուրինի նկարի տակ գրված խոսքերը.

«Մենք չենք կարող շնորհներ սպասել բնությունից, այդ շնորհները նրանից վերցնելը մեր խնդիրն է»:

Եվ եթե սարահարթիցները ճակնդեղի մշակության գործում հասել են լավագույն հաջողությունների, դա բացատրվում է նրանց ազնիվ ու լավ աշխատանքով, նրանք բնությունից չեն աղերսում ոչորմություն, այլ բարիքները նվաճում են ուժով:

Ուշագրության արժանի է հողի նախացանքային մշակության նրանց փորձը: Աշնանը նախքան ցրտահերկ կատարելը, ճակնդեղի ցանքի տակ գրվող յուրաքանչյուր հեկտարում մտցվում է 35 տ գոմաղր, 4,5 ց քիմիական գրանուլացված պարարտանյութ: Այնուհետև 25—30 սմ խորությամբ

վար կատարել, ամբողջ տարածությունը մաքրել քարերից, ոչնչացնել կոշտերն ու փնասատուների բները: Առաջիկա գարնանադարի համար նրանք այժմ ունեն այդպիսի պարարտ հող: Բայց այդ դեռ բոլորը չէ: «Ձկալովի» անվան կոլտնտեսությունից ձանկնդեղագործները ձմեռվա ընթացքում եռանդուն աշխատանք էին կատարում դաշտում ձյան կուտակման, քիմիական պարարտանյութերի ծածկի տակ խնամքով պահելու գործում:

Լավ և ազնիվ աշխատանքը տալիս է առատ բարիքներ: Կողք-կողքի գտնվող Սարահարթի և Գոգարան գյուղերի կոլտնտեսությունների աշխատանքով լիովին հաստատվում է առաջավոր փորձի հետեզական կիրառման արդյունքները:

Երկու կոլտնտեսությունների ձանկնդեղի պլանտացիաները իրարից հեռու են հազիվ 3 կիլոմետր, 1951 թ. Սարահարթը ցանել էր 43 հեկտար, իսկ Գոգարանը 53 հեկտար շաքարի ձանկնդեղ: Թեև այդ կոլտնտեսությունների հողակլիմայական պայմանները նույնն են և Գոգարանը ունի ձակընդեղի պլանտացիայի 10 հեկտարով ավելի ցանք, սակայն Սարահարթը պետությունից ստացավ մոտ 4 անգամ ավելի դրամ, քան Գոգարանը, բացի դրամական հատուցումից Սարահարթն ստացավ 180 ց շաքարավազ:

Ուշագրավ է, որ ստացված այդ գումարից ավելի քան 227 հազար ոտրլին Սարահարթում բաժանված է առաջավոր ձանկնդեղագործներին:

Սարահարթի առաջավոր ձանկնդեղագործներ՝ Բ. Սիմոնյանը, Մ. Գևորգյանը և Ն. Քարամյանը ստացել են յուրաքանչյուրը 3000-ական ոտրլի:

Ծիշտ այդպիսի պատկեր են ներկայացնում կողք-կողքի գտնվող Արտադյուղի և Լուսադյուղի կոլտնտեսությունները: Նրանցից առաջինի ձանկնդեղի պլանտացիան կազմում է 116 հեկտար, իսկ երկրորդինը դրանից մի քիչ պակաս, սակայն ստացված արդյունքները տարբեր են:

Արտադյուղի Մուրտովի անվան կոլտնտեսության ձանկնդեղագործները մեծ համբավ են ձեռք բերել շնորհիվ այն բանի, որ նրանք մրցության մեջ միշտ շահում են առաջնություն: Այդ կոլտնտեսության ձանկնդեղագործները մեծագույն ուշադրությամբ հետևում են առաջավորներին և նրանց փորձը ընդօրինակում և կենսագործում են իրենց մոտ:

Գիտության և առաջավորների փորձի հիման վրա անցած տարի նրանք ձանկնդեղի երկշաք ցանք կատարեցին 52 հեկտար տարածության վրա և աշխատանքային 3 օրում ավարտեցին ցանքը: Սեղմ ժամկետում կատարվեցին նաև հեռցանքային մշակության մյուս աշխատանքները:

Լիարժեք էին հատկապես «ճամփի տակ» կոչվող հողամասի այն հեկտարները, որտեղ տեղագրված էր երկշաք ցանքը: Այդ միևնույն տարածության վրա օգտակավարուհիներ Անահիտ Ոսկանյանի և Ալունիկ Սերոբյանի երկշաքանի ցանքի կատարած յուրաքանչյուր հեկտարում առկա էր ավելի քան 160 հազար արմատ, իսկ սովորական ձևով ցանված տարածություններում հազիվ 110 հազար արմատ: Ունենալով լիարժեք հեկտարներ, «Մուրտովի» անվան կոլտնտեսությունը նվաճեց բարձր բերք: Նախորդ տարվա համեմատությամբ 1951 թ. յուրաքանչյուր հեկտարից հավելյալ բերքը կազմեց 80 ցկտներ: Եթե 1950 թվականի 116 հեկտարից հավաքված էր 10975 ց, ապա 1951 թ. նույն տարածությունից հավաքվեց 19176 ց շաքարի ձանկնդեղի բերք, այսինքն՝ 9 հազար ց. ավելի, քան նախորդ

տարին: Եթե հարցնեն կոլտնտեսականներին, նրանք այս երևույթը կրա-
ցատրեն երկշարքանի ցանքի միջոցով և լիարժեք հեկտարներ ունենալու
փաստով, և դա միանգամայն ճիշտ է, որովհետև Արտագյուղի պլանտա-
ցիային ուղղակի կապձ Լուսաղբյուրի կոլտնտեսությունը ոչ լիարժեք հեկ-
տարներից ստացավ խիստ ցածր բերք: Այստեղ խնդիրը լոկ այն չէ, որ
Լուսաղբյուրը չունեն երկշարքանի ցանք, այլ այն, որ այդ կոլտնտեսու-
թյան ղեկավարները, ճակնդեղագործները, չձգտեցին ստեղծելու լիարժեք
հեկտարներ: Զրուսած տարածությունների վրա նրանք զապան վերացանք
կատարել թրջված սերմերով, ստուղման ժամանակ երկրորդական նշանա-
կություն տվեցին սածիլման աշխատանքներին: Հետևանքը եղավ այն, որ
չնայած արմատների խոշորությունը, մեկ հեկտարից ստացվեց 139 ց, իսկ
90 հեկտարից Լուսաղբյուրը հավաքեց հազիվ 12568 ց բերք, և այդ պատ-
ճառով չկատարվեց ճակնդեղի հանձնման պետական առաջադրանքները:

Շաքարի ճակնդեղի երկշարքանի ցանք կատարելու մեկ տարվա
փորձը ակնառու կերպով ցույց է տալիս նրա առավելությունները:

Ուսումնասիրելով մեր ճակնդեղագործների փորձը, կարելի է հանգել
այսպիսի եզրակացության.

Լիարժեք հեկտարը բարձր բերքատվության վճռական գործոնն է:
Նրան հասնելու համար պետք է ունենալ կոնդիցիոն սերմ: Այդ սերմը
ցանել համաչափ հեռավորության վրա. խոսքը շարքերի և բույսերի հեռա-
վորության մասին է: Չնայած մեքենայական մշակման որոշ ժամանակա-
վոր դժվարություններին, անչափ մեծ են նոր ձևի ցանքի առավելություն-
ները՝ բերքատվությունը բարձրացնելու գործում:

Ստացվել է 7 I 1952

С. Н. Ншаниян

Секретарь Спитакского райкома КП(б)А

Некоторые преимущества двухстрочного посева сахарной свеклы

Р е з ю м е

До недавнего времени считалось, что полноценными являются такие гектары, на которых имеются 100—110 тыс. корней сахарной свеклы. Опыт передовиков показал, что необходимо пересмотреть существующее положение и количество корней сахарной свеклы на одном гектаре значительно увеличить. Такое количество растений можно обеспечить при условии посева сахарной свеклы новым способом. При двухстрочном посеве расстояние между первым рядом составляет 45—50 см., между вторым—20 см. Расстояние между растениями 18 см. При таких расстояниях растениям обеспечиваются нормальные условия для роста и развития сахарной свеклы.

Применяя указанный способ посева, некоторые колхозы Спитакского района добились больших успехов. В статье приводятся фамилии передовых колхозов и колхозников, которые, применяя новый способ и обеспечив хорошую агротехнику, получили весьма значительный доход. Так, например, колхозы сел. сел. Сараарт и Гогаран отделены друг от друга расстояниями в 3 км. и находятся в одинаковых почвенно-климатических условиях, однако, благодаря хорошо организованной работе, применяя двухстрочный способ посева свеклы и обеспечивая хорошую агротехнику, колхозники сел. Сараарт от урожая сахарной свеклы с площади 43 га получили доход от государства деньгами более чем в четыре раза, чем колхозники сел. Гогаран с площади 53 га, которые недооценили значения передовой агротехники.

Новый способ посева сахарной свеклы в Спитакском районе, предложенный Институтом генетики и селекции растений АН Арм. ССР, в виде опыта в разных колхозах был распространен на 80 га. Урожай с контрольных участков, посеянный обычным способом, в среднем составил 196,3 ц. с га, а с двухстрочных посевов—357,5 ц. с га., превышение составляет 161,2 ц. Следует отметить, что остальные все агротехнические мероприятия на обоих участках как по характеру, так и по времени были одинаковыми.